



Future-proofing our children

Sekolo sa Tshipi 3

Setlhogo

Papolo- Tsogo

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Papolo - Tsogo**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang ban aba sekolo sa Tshipi) <i>Ela tlhoko:</i> 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (Bana ba sekolo sa Tshipi). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo phateng.
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6.	Kwala dintlha tsa botlhokwa tse o batlang go di gakologelwa.

Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS .
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng..



Thuto

Setlhogo	Papolo-Tsogo
Temana	Matthew 27: 33-56, Matthew 28: 1-10, John 19: 23-30 le John 20: 1-20
Maikaelelo a thuto	Bana ba itumele gore Jeso o fentse leso. Re lebogela gore ka tsogo y aga Jeso re nna le tsholofelo gore leso ga se bokhutlo fa motho a swa.

Tshoboko ya thuto:

- Ka nako e ba neng ba etelwa, Mmaagwe Stephen a bolelela moruti gore e rile a sena go amogela selalelo, a se baya gore a tle a se sekaseke. Moruti a mo raya a re, “Re tshwanetse raj a mmele le madi a ga Keresete. Fa re baya selalelo ga sena go dira tiro ya sone.” Stephen a dumela ka tlhogo.
- Moruti a mmolelela gore re a itumela gore Morena o ketekile selalelo le barutwa ba gagwe pele ga leso la gagwe, mme a ba laela go tswela ba dira jalo. Re nna re lebeletse go amogela selalelo nako tsotlhe fa re ya kerekeng. Go tshwanetse go ne go le thata mo go Jeso ka malatsi a bofelo ka a ne a itse gore go ya go diragala eng.
- Fa Jeso a sena go tshwarwa, O ne a setse a le nosi. Barutwana ba ne ba tshabile ba boifa. Ke ditsala tsa gagwe di se kahe ba ba neng ba eme le ene ka nako ya papolo. Mmaagwe, Mary, le bo mme ba bangwe le morutwana John. Fa Jeso a bona mmaagwe le John fa tlase ga Mokgoro, A mo raya a re: “Ke morwao.” Mme ko go John a re, “Ke mmago.” Moragonyana ga moo, Jeso a gowa a re: “Go weditswe!” mme a tswala matlho a swa.
- Fa Stephen a hutsafala, Moruti a mo raya are ga re a tshwanela go hutsafala. Leso la ga Jeso le raya kgololo mo dibeng le Boitumelo mo go rona. Fa Jeso a swa lefatshe le ne la roroma, Lesole la baroma la ba la re “Ammaaruri e ne e le Morwa Modimo.”
- Barutwa le bone ba ne ba itse se, mme morago ga malatsi a mararo ba itemogela bogolo jwa Modimo fa Jeso yo o tsogileng a itshupa mo go bone. Jeso o a tshela, o tsogile. Se se a re itumedisa. Moruti a tlhalosa gore Modimo o re file mmele le mowa. Mmele o a tsofala, o lwale mme o swe, moya one o tshela ka bosena bokhutle.



- Ka letsatsi la tsogo ya ntlha moya wa rona o tla fiwa seaparo se sesha, e leng mmele o mosha. Go thata go gopola, mme re itse gore ka tsogo ya Morena o re file tshono ya go nna le ene ka bosena bokhutlo. Jeso o fentse leso le sebe se se re kgaoganyang le Modimo. Ka nako ya tsogo ya gagwe Jeso o ne a amogela mmele o fetotsweng mme le rona re emetse go apara mmele oo fa Jeso a tla go re tsaya. Se se re fa tsholofelo.

Thuto e e re ruta eng?

- Selalelo se re fa botsalano le Keresete. Re gakologelwa leso la gagwe mme re fiwa natal fa re se ja.
- Botshelo jo bosh abo a runya le fa dilo di lebega di sule. Tsogo y aga Jeso go tlisitse botshelo mo mowing wa rona. Re seka ra hutsafala, leso la ga Jeso le tlisitse boipelo mo go rona.
- Jeso o fentse bosula a swela dibe tsa rona.
- Modimo o nonofile go gaisa leso. Re itse gore ka ene re bona botshelo.
- Jeso o a tshela mme o gaufi le rona, mme re na le tsholofelo ya botshelo jo bo sa khutleng fa a tla go re tsaya.

Diposto tse re ka di botsang

1. **Ka go reng re ja selalelo?**
A: go nna le botsalano le Jeso le go fiwa thata.
2. **Jeso o fentse eng fa a swa a bo a tsoga mo lesong?**
A: Jeso a fenya leso le sebe
3. **Re bone eng ka seo?**
A: Dibe tsa rona di a itshwarelwa re bo re nna le tshwanelo ya botshelo jo bo sa khutleng fa a tla go re tsaya

Thapelo ya ga Rre le Mme go rapela pele ga thuto:

Modimo o rategang, re lebogela letsatsi le.

Re segofatse rotlhe.

A re utlwe go nna teng gag ago

Segofatsa thuto e re tla nnang le yone

Re gakolole gore mo diemong tsholhe re ka go rapela.



*Re thuse go nna re leboga le tsholofetso ya gore kagiso ya
gago e tla aga mo go rona.*

Romela Jeso ngo tla go re tsaya

Re bo re ipaakanyeditse go mo kgatantsha

Mo leineng la Jeso

Amen